


氏經七書直解

十二




漢書門			
九	五	二	四
一	七	一	四
冊	架	函	號

內閣文庫			
九	五	二	四
一	七	一	四
冊	架	函	號

內閣文庫	
番號	漢 9524
冊數	8 (8)
函號	299 216

兵家ノ一ノ



六韜直解卷之十二

淺草文庫

太原劉寅輯著

江陵張居正增訂



錢塘翁鴻業重較

虎韜

虎者以言其威猛而不畏人也。今此韜中皆張
威武及臨危不驚。故曰虎韜。

軍用第三十一

軍用者。軍之器用也。器用有備。以之戰守。則無



患矣。

武王問太公曰。王者舉兵。三軍器用攻守之具。科品衆寡。豈有恣乎。

武王問太公曰。王者舉兵征伐。三軍之器用。其攻守之具。科品或衆或寡。豈有恣度乎。

太公曰。大哉王之問也。夫攻守之具。各有科品。此兵之大威也。

太公對曰。大哉王之所問也。夫攻守之器具。各有科品。此兵家之大威也。豈無恣而處此。科是門類。品是

等級。

武王曰。願聞之。太公曰。凡用兵之大數。將甲士萬人。法用武衛。大扶胥三十六乘。材士強弩矛戟爲翼。一車二十四人推之。以八尺車輪。車上立旗鼓。兵恣謂之震駭。陷堅陳。敗強敵。衛一作衝

武王曰。願聞科品之異。太公對曰。凡用兵之大數。將領帶甲之士一萬人。其次用武衛。大扶胥三十六乘。武衛。卽兵衛。扶胥。車之別名也。材勇之士。持強弩矛戟爲羽翼。每一車用二十四人推之。用八尺車輪。車

之上。立旗與鼓。兵法又謂之震駭。用以陷堅陳。敗強敵也。

武翼。大櫓。矛戟。扶胥。七十二具。材士強弩。矛戟爲翼。以五尺車輪。絞車連弩。自副。陷堅陳。敗強敵。

武翼。與武衛同。卽所謂武中之衛。大櫓。車上之蔽也。置矛戟於車上。備擊刺也。材勇之士。持強弩。矛戟爲羽翼。用五尺車輪。以絞車連弩。自副。亦用以陷堅陳。敗強敵也。

提翼。小櫓。扶胥。一百四十六具。絞車連弩。自副。以鹿車

輪。陷堅陳。敗強敵。

提翼。小櫓。亦車上之蔽。但比大櫓。差小耳。以絞車連弩。自副。用鹿轡爲車輪。卽今小車獨輪也。亦以陷堅陳。敗強敵也。

大黃參連弩。大扶胥。三十六乘。材士強弩。矛戟爲翼。飛鳧。電影。自副。飛鳧。赤莖。白羽。以銅爲首。電影。青莖。赤羽。以鐵爲首。晝則以絳縞。長六尺。廣六寸。爲光耀。夜則以白縞。長六尺。廣六寸。爲流星。陷堅陳。敗步騎。

大黃參連。是弩名。一發能出三矢。大扶胥。三十六乘。

以材勇之士。持強弩矛戟爲羽翼。上用飛鳧電影自副。飛鳧用赤莖白羽。以銅爲之首。電影用青莖赤羽。以鐵爲之首。白畫以絳色之縞。長六尺。闊六寸。爲光耀。遇夜則以白色之縞。長六尺。闊六寸。爲流星。取其遠視之有光也。此用以陷堅陣。敗步騎也。飛鳧電影。矢之迅疾者。一說是旗名。

大扶胥衝車三十六乘。螳螂武士共載。可以擊縱橫。敗強敵。

衝車。從旁衝擊者也。螳螂。虫名。有奮擊之勢。故取以

爲名。

輜車騎寇。一名電車。兵泐謂之電擊。陷堅陣。敗步騎。

輜車。輜重之車。騎寇。疑有誤字。電車。言其忽往忽來。

如電之疾也。故兵泐謂之電擊。

寇夜來。前矛戟。扶胥輕車一百六十乘。螳螂武士三人共載。兵泐謂之霆擊。陷堅陣。敗步騎。

寇遇夜來。吾營前矛戟。扶胥輕車一百六十乘。每乘螳螂武士三人共載。兵泐謂之霆擊。言其輕疾往來。

如雷霆之擊也。

方首鐵楛維盼。重十二斤。柄長五尺以上。千二百枚。一名天楛。

盼。大首也。重一十二斤。天楛。星名。

大柯斧。刃長八寸。重八斤。柄長五尺以上。千二百枚。一名天鉞。方首鐵槌。重八斤。柄長五尺以上。千二百枚。一名天槌。敗步騎群寇。

言三者皆可用之。敗步騎羣寇也。天鉞。亦星名。

飛鈎長八寸。鈎芒長四寸。柄長六尺以上。千二百枚。以投其衆。

飛鈎。鈎名。用飛鈎以投敵衆之中。以鈎取人也。

三軍拒守。木螳螂。劔刃扶胥。廣二丈。百二十具。一名行。平易地。以步兵敗車騎。

三軍與敵拒守。用木螳螂。劔刃扶胥。廣濶二丈。一百二十具。一名行馬。凡平易之地。以步兵敗敵之車騎者。必用之。

木蒺藜。太地二尺五寸。百二十具。敗步騎。要窮寇。遮走北。

木蒺藜。太地高二尺五寸。一百二十具。所以敗敵之

步騎。要截窮寇。遮攔走北也。百二十具。黃帝所以敗蚩尤氏。敗
 軸旋。短衝。矛戟。扶胥。百二十具。黃帝所以敗蚩尤氏。敗
 步騎。要窮寇。遮走北。百二十具。黃帝所以敗蚩尤氏。敗
 軸旋。短衝。矛戟。扶胥。用一百二十具。黃帝昔日。所以
 敗蚩尤氏也。敗步騎。要窮寇。遮走北。亦皆用此。
 狹路微徑。張鐵蒺藜。芒高四寸。廣八寸。長六尺以上。千
 二百具。敗走騎。
 言狹路微徑。用鐵蒺藜。其芒高四寸。廣八寸。長六尺
 以上。千二百具。用此以敗步騎。

突瞑來前促戰。白刃接。張地羅。鋪兩鍬蒺藜。參連織女
 芒間。相去二尺。萬二千具。
 衝突瞑黑之時。而來前促戰。白刃相接。則張設地羅。
 鋪兩鍬之蒺藜。并參連之織女。待之芒刃之間。相去
 地二尺許。計一萬二千具。織女亦蒺藜之類。
 曠野草中。方宵鋌矛。千二百具。張鋌矛。高一尺五寸。
 敗步騎。要窮寇。遮走北。
 曠野深草之中。用方宵鋌矛。一千二百具。張鋌矛之
 汰。高一尺五寸。用以敗敵人之步騎。要截窮寇。遮隔



走北也。狹路微徑。地陷。鐵械鎖參連百二十具。敗步騎。要窮寇。遮走北也。狹窄之路。微小之徑。地內陷。以鐵械鎖參連者。一百二十具。亦可以敗步騎。要窮寇。遮走北也。壘門拒守。矛戟小櫓十二具。絞車連弩自副。三軍拒守。天羅虎落鎖連一部。廣一丈五尺。高八尺。百二十具。虎落。劍刃。扶胥。廣一丈五尺。高八尺。五百一十具。

此三者皆拒禦之器也。

渡溝塹。飛橋一間。廣一丈五尺。長二丈以上。着轉關轆轤八具。以環利通索張之。

着以轉關轆轤。欲易動也。張以環利通索。欲堅固也。此踰垠之具也。

渡大水。飛江。廣一丈五尺。長二丈以上。八具。以環利通索張之。天浮鐵螳螂。矩內圓外。徑四尺以上。環絡自副。三十二具。以天浮張飛江。濟大海。謂之天潢。一名天船。飛江。天潢。皆濟大水之具也。天浮鐵螳螂。用以張載。飛江者也。

山林野居。結虎落柴營。環利鐵鎖。長二丈以上。千二百枚。環利大通索。大四寸。長四丈以上。六百枚。環利中通索。大二寸。長四丈以上。二百枚。環利小微縲。長二丈以上。萬二千枚。天雨。蓋重車上板。結泉鉏鋸。廣四尺。長四丈以上。車一具。以鐵棧張之。

環利鐵鎖。通索。微縲。卽今之連環鐵索也。但有大小長短之異耳。天雨。蓋車上之板也。結泉鉏鋸。刻板爲齒。各不相值。令可蔽雨。鉄棧。以鉄爲椽也。用以張板。令不散也。

伐木。天斧重八斤。柄長三尺以上。三百枚。祭鑿。柄廣六寸。柄長五尺以上。三百枚。銅築固爲垂。長五尺以上。三百枚。

斧用以斫。鑿用以斲。祭鑿。大鋤也。銅築固爲垂。亦伐木之器。

鷹爪方冑鐵把。柄長七尺以上。三百枚。方冑鐵叉。柄長七尺以上。三百枚。方冑兩枝鐵叉。柄長七尺以上。三百枚。

凡此皆用以伐木也。

芟草木。大鎌柄長七尺以上。三百枚。大櫓亦重八斤。柄長六尺。三百枚。委環鐵杙長三尺以上。三百枚。椽杙大槌重五斤。柄長二尺以上。百二十具。凡此皆用以芟草也。委環鐵杙者。以鐵為槓。上連以環也。椽擊也。

甲士萬人。強弩六千。戟櫓二千。矛楯二千。修治攻具。砥礪兵器。巧手三百人。此舉兵用之大數也。武王曰。允哉。修治。欲其常完也。砥礪。欲其常銳。允者。信其言也。

武王三陣第三十二

武王曰。三陣者。天地人三陣也。

武王問太公曰。凡用兵為天陣。地陣。人陣。奈何。太公曰。日月星辰斗柄。一左一右。一向一背。此謂天陣。

武王問太公曰。凡用兵之訟。為天陣。地陣。人陣。其說如何。太公對曰。取日月星辰斗柄。一左一右。一向一背之象。此謂之天陣。

丘陵水泉。亦有前後左右之利。此謂地陣。

右背山陵。前左水澤。取其便利。此謂之地陣。用車用馬。用文用武。此謂人陣。武王曰。善哉。

車。革車也。馬騎兵也。文以附衆。武以威敵。此謂之人陣。○一云。文者。運籌之士。武者。披甲之士。

疾戰第三十三

疾戰者。在圍地而戰。欲疾也。

武王問太公曰。敵人圍我。斷我前後。絕我糧道。爲之奈何。

武王問太公曰。敵人圍我三軍。斷我前後。絕我之糧道。將爲之奈何。

太公曰。此天下之困兵也。暴用之則勝。徐用之則敗。如

此者。爲四武衝陣。以武車。驍騎。驚亂其軍。而疾擊之。可以橫行。

太公對曰。此乃天下之困兵也。暴疾而用之。則致勝。徐緩而用之。則致敗。如此者。爲四武衝陣。以武壯之。車。驍勇之騎。驚亂其軍。而疾擊之。則可以橫行矣。四武衝陣者。謂以武士結爲四陣。併力而衝擊之耳。此被圍而爲解圍之計也。

武王曰。若已出圍地。欲因以爲勝。爲之奈何。太公曰。左軍疾左。右軍疾右。無與敵人爭道。中軍迭前迭後。敵人

雖衆其將可走。

武王曰。若我已出圍地。欲因之以爲勝。將爲之奈何。太公對曰。左軍疾擊而左。右軍疾擊而右。無與敵人爭道。與敵爭道。則我之力分。亦恐彼有伏也。令吾中軍更迭而前。更迭而後。敵人雖衆。其將可得而走矣。此出圍而爲制勝之謀也。

必出第三十四

必出者。言陷在圍地。而務於必出也。

武王問太公曰。引兵深入諸侯之地。敵人四合而圍我。

斷我歸道。絕我糧食。敵人旣衆。糧食甚多。險阻又固。我欲必出。爲之奈何。

武王問太公曰。若引兵深入諸侯之地。敵人四面合而圍我。斷我之歸路。絕我之糧食。敵人之兵旣衆。糧食又多。險阻又固。我欲務在必出。將爲之奈何。

太公曰。必出之道。器械爲寶。勇鬪爲首。審知敵人空虛之地。無人之處。可以必出。

太公對曰。必出之道。以器械爲寶。以勇鬪爲首。審知敵人空虛之地。無人之處。可以必奮而出。

將士持玄旗。操器械。設銜枚。夜出。勇力飛走。冒將之士。居前。平壘爲軍開道。材士強弩。爲伏兵居後。弱卒車騎。居中。陳畢徐行。慎無驚駭。以武衝扶胥。前後拒守。武翼大櫓。以蔽左右。

令將士人持玄色之旗。使難見也。操持器械。設銜枚。以止語。遇夜而出。有勇力能飛走。衝冒將帥之士。居前。平治營壘。與軍開道。所謂先鋒也。材勇之士。持強弩爲伏兵居後。弱卒與車騎居中。陣畢徐徐而行。慎無驚駭。以武衝扶胥。前後拒守。武翼大櫓。以蔽左右。

防其衝突也。武衝扶胥。卽大扶胥衝車。武翼大櫓。卽矛戟扶胥。皆用之拒禦者也。

敵人若驚。勇力冒將之士。疾擊而前。弱卒車騎。以屬其後。材士強弩。隱伏而處。審候敵人追我。伏兵疾擊其後。多其火鼓。若從地出。若從天下。三軍勇鬪。莫我能禦。

敵人若驚擾。吾勇力冒將之士。疾擊而前。弱卒與車騎。以屬其後。材力之士。持強弩。隱伏而處。審候敵人前來追我。令伏兵疾擊其後。多其火鼓。以亂其耳目。其勢若從地而出。若從天而下。敵不能測。三軍勇鬪。

而前。則敵人不能禦我矣。合上言被圍而夜出。及出而防追之事。

武王曰。前有大水廣塹深坑。我欲踰渡。無舟楫之備。敵人屯壘。限我軍前。塞我歸道。斥侯常戒。險塞盡守。車騎要我前。勇士擊我後。爲之奈何。

武王問曰。若吾營前有大水廣塹深坑。我欲踰渡。又無舟楫之備。敵人屯壘。限隔我軍前。塞我之歸道。斥侯望之人。時常戒慎。險塞之處。盡爲固守。車騎要截我軍前。勇士襲擊我軍後。將爲之奈何。斥侯者。所

以望烽燧。檢行險阻。伺候盜賊者也。

太公曰。大水廣塹深坑。敵人所不守。或能守之。其卒必寡。若此者。以飛江轉關與天潢。以濟吾軍。勇力材士。從我所指。衝敵絕陣。皆致其死。

太公對曰。大水廣塹深坑。敵人所不守者。若或能守之。其卒必少。如此者。以飛江轉關與天潢。以濟吾軍。勇力材士。從我所指而前進。衝敵絕陣。令士卒皆致死以戰。

先燔吾輜重。燒吾糧食。明告吏士。勇鬪則生。不勇則死。

武王曰。先燔吾輜重。燒吾糧食。使士卒無迴顧之心。乃明告吏士。若武勇而鬪。則生。不武勇而鬪。則死。

已出。令我踵軍。設雲火遠候。必依草木丘墓險阻。敵人車騎。必不敢遠追長驅。因以火爲記。先出者。令至火而止。爲四武衝陣。如此。則吾三軍皆精銳勇鬪。莫我能止。武王曰。善哉。

已出者。令我踵後之軍。張設雲火。以遠候後人。必依倚深草林木。丘墓險阻之處。敵人之車騎。不知我情。必不敢遠追長驅。吾軍因以火爲號。先出者。令至火

而止。結爲四武衝陣。以禦敵。如此。則吾三軍皆精銳勇鬪。莫我能止矣。武王曰。公言善哉。踵軍。解見尉繚子。

軍畧第三十五

軍畧者。行軍之謀畧也。謀畧不先定。不可以行軍矣。

武王問太公曰。引兵深入諸侯之地。遇深溪大谷。險阻之水。吾三軍未得畢濟。而天暴雨。流水大至。後不得屬於前。無舟梁之備。又無水草之資。吾欲畢濟。使三軍不

武經直解 卷十二 十四
稽留爲之奈何。

武王問太公曰。若引兵深入諸侯之地。遇深溪大谷。玉阻之水。吾三軍未得畢濟。而天或暴雨。流潦之水。大至。奉。洩者。不得聯屬於前。無有舟楫之備。預。又無水草之資。吾欲畢濟吾三軍。使無稽留者。將爲之奈何。

太公曰。凡帥師將衆。慮不先設。器械不備。教不精信。士卒不習。若此。不可以爲王者之兵也。

太公對曰。凡帥師將衆。謀慮不先設。器械不預備。教道不精信。士卒不練習。如此。不可以爲王者之兵也。凡三軍有大事。莫不習用器械。若攻城圍邑。則有輜輜。臨衝。視城中。則有雲梯。飛樓。三軍行止。則有武衝。大櫓。前後拒守。絕道遮街。則有材士。強弩。衛其兩旁。設管壘。則有天羅。武落。行馬。藜藜。

凡三軍有大事。莫不習用器械。若攻人之城。圍人之邑。則有輜輜。臨衝。輜輜者。四輪車也。解見孫子。臨。謂臨車。從上臨下者也。衝。謂衝車。從旁衝突者也。窺視城中。則有雲梯。飛樓。可以平地起望也。三軍行止。則

有武衝大櫓。前後相拒相守。絕道遮街。則有材士強弩。護衛其兩旁。張設營壘。則有天羅武落。行馬蒺藜之具。

晝則登雲梯遠望。立五色旌旗。夜則設雲火萬炬。擊雷鼓。振鞞鐸。吹鳴笳。

白晝則登雲梯遠望。立五色旌旗。以變敵人之目。遇夜則設雲火萬炬。擊雷鼓。振鞞鐸。吹鳴笳。以變敵人之耳。卽孫子晝暋多旌旗。夜戰多火鼓之意。

越溝塹。則有飛橋。關轆轤。鉏鋤。濟大水。則有天潢。飛

江。逆波上流。則有浮渡。絕江。三軍用備。主將何憂。

越絕溝塹。則有飛橋。轉關。轆轤。鉏鋤之具。濟渡大水。則有天潢。飛江之具。逆波之上流。則有浮海。絕江之具。三軍器用全備。為主將者。不必以暴雨而軍不畢濟爲憂矣。

臨境第三十六

臨境者。與敵人臨境相拒也。

武王問太公曰。吾與敵人臨境相拒。彼可以來。我可以往。陣皆堅固。莫敢先舉。我欲往而襲之。彼亦可以來。爲

之奈何。

武王問太公曰。吾與敵人臨境而相拒守。彼軍可以來。我軍可以往。彼我之陣。皆堅固。莫敢先舉動者。我欲往而襲取之。彼亦可以來襲我。將爲之奈何。

太公曰。分兵三處。令我前軍。深溝增壘而無出。列旌旗。擊鞀鼓。完爲守備。令我後軍。多積糧食。無使敵人知我意。發我銳士。潛襲其中。擊其不意。攻其無備。敵人不知我情。則止不來矣。

太公曰。如此者。分兵爲三處。令我前軍。深溝增壘而無出。列旌旗。擊鞀鼓。完爲守禦之備。令我後軍。多積糧食。爲久持計。無使敵人知我進退之意。然後發我勇銳之士。潛襲其中。擊敵人之不意。攻敵人之無備。敵人既不知我情。則止而不來矣。

武王曰。敵人知我之情。通我之機。動則得我事。其銳士伏於深草。要我隘路。擊我便處。爲之奈何。

武王問曰。若敵人知我之情狀。通我之機謀。發動則得我事情。使其精銳之士。或伏於深草。或要於隘路。擊我便處。將爲之奈何。

正統正解 卷十二 十一
太公曰。令我前軍。日出挑戰。以勞其意。令我老弱。曳柴揚塵。鼓呼而往來。或出其左。或出其右。太敵無過百步。其將必勞。其卒必駭。如此。則敵人不敢來。吾往者不止。或襲其內。或擊其外。三軍疾戰。敵人必敗。

太公對曰。如此者。令我前軍。日出與彼挑戰。以勞其意。令我老弱者。曳柴揚塵。擊鼓噪呼。而往來以張其勢。或出其敵之左。或出其敵之右。使之應接不暇。相太敵人。無過一百步之遠。其將必疲勞。其卒必驚駭。如此。則敵人不敢來。吾往以襲敵者不止。或襲其內。

或擊其外。三軍疾戰。敵人必敗矣。

動靜第三十七

動靜者。覘視敵人動靜。設奇伏而勝之也。

武王問太公曰。引兵深入諸侯之地。與敵之軍相當。兩陣相望。衆寡强弱相等。未敢先舉。吾欲令敵人將帥恐懼。士卒心傷。行陣不固。後陣欲走。前陣數傾。鼓譟而乘之。敵人遂走。爲之奈何。

武王問太公曰。若引兵深入諸侯之地。與敵人之軍相當。彼此兩陣相望。衆寡强弱之勢相等。各不敢先

正統正解 卷十一
舉。吾欲令敵人將帥之心恐懼。士卒之心悲傷。行陣不堅固。後陣聞之欲走。前陣令人數顧。吾欲鼓譟而乘之。敵人遂走。將爲之奈何。

太公曰。如此者。發我兵。去寇十里。而伏其兩旁。車騎百里。而越其前後。多其旌旗。益其金鼓。戰合鼓譟而俱起。敵將必恐。其軍驚駭。衆寡不相救。貴賤不相待。敵人必敗。

太公對曰。如此者。非兩軍相望所能爲。必發我兵。去寇十里。而隱伏其兩旁。車騎百里。而踰越其前後。多

張其旌旗。增益其金鼓。戰合鼓譟而俱起。敵將必恐懼。其軍亦驚駭。衆寡不相救援。貴賤不相等待。敵人必至於敗。百里疑其太遠。而與十里者。難相救援也。字恐誤

武王曰。敵之地勢。不可以伏其兩旁。車騎又無以越其前後。敵知我慮。先施其備。吾士卒心傷。將帥恐懼。戰則不勝。爲之奈何。

武王曰。假若敵之地勢。不可以隱伏其兩旁。車騎又無以踰越其前後。敵人知我謀慮。先施其禦備。吾士

武經五經 卷十二 二十九
卒反心傷將帥反恐懼與之戰則不能勝將爲之奈何。

太公曰誠哉王之問也。如此者先戰五日發我遠候往視其動靜審候其來設伏而待之必於死地與敵相避遠我旌旗踈我行陣必奔其前與敵相當戰合而走擊金而止三里而還伏兵乃起或陷其兩旁或擊其先後三軍疾戰敵人必走武王曰善哉。

太公對曰誠哉王之所問也。如此者先戰五日發我遠候之人往視敵之動靜審候其來吾則設伏而待之必於死地與敵相避避字恐是遇字言必於死絕之地與敵相遇而求一戰遠陳我旌旗踈列我行陣以示無紀必奔其前務與敵人相當以示畏却戰合而佯走擊金而卽止將及三里而還軍伏兵乃起或陷敵之兩旁或擊敵之前後三軍併力疾戰敵人必敗走矣武王曰公言善哉。

金鼓第三十八

金鼓者鼓以進之金以止之也。此言隨時禦敵之道而以金鼓名篇語進退也。

武王問太公曰。引兵深入諸侯之地。與敵相當。而天大寒甚暑。日夜霖雨。旬日不止。溝壘悉壞。隘塞不守。斥候懈怠。士卒不戒。敵人夜來。三軍無備。上下惑亂。爲之奈何。

武王問太公曰。若引兵深入諸侯之地。吾與敵相當。而天或大寒。或甚暑。日夜遇霖雨。旬日之間。不能止矣。軍之溝壘盡壞。隘塞不能保守。斥候之人懈怠。士卒又不戒嚴。敵人遇夜而來。三軍皆無備禦。上下疑惑。擾亂。則爲之奈何。淫雨白霖。十日曰旬。

太公曰。凡三軍以戒爲固。以怠爲敗。令我壘上。誰何不絕。人執旌旗。外內相望。以號相命。勿令乏音。而皆外向。三千人爲一屯。誠而約之。各慎其處。敵人若來。視我軍之警戒。至而必還。力盡氣怠。發我銳士。隨而擊之。

太公對曰。凡三軍以戒嚴爲固。以怠惰爲敗。令我壘上。典誰何之具者。不絕其人。執旌旗。外與內相望。以號相命。勿令絕音。而皆外向。三千人爲一屯。誠告而期約之。各謹其所守之處。敵人若來。視我軍之警戒。嚴備。至我屯所。必然還返。力已竭盡。氣已怠惰。發我

精銳之士隨而擊之。誰何。巡警之具。一說三軍之在壘上者不問誰何。但一涉影響。便就鼓聲不絕。以示入知。
武王曰。敵人知我隨之。而伏其銳士。佯北不止。遇伏而還。或擊我前。或擊我後。或薄我壘。吾三軍大恐。擾亂失次。離其處所。爲之奈何。

武王曰。敵人知我之情。隨之在後。而先隱伏其銳士。佯爲奔北不止。遇伏兵而還。返。或擊我之前。或擊我之後。或薄我之壘。吾三軍大恐懼。擾亂失其次舍。離

其處所。則爲之奈何。

太公曰。分爲三隊。隨而追之。勿越其伏。三隊俱至。或擊其前後。或陷其兩旁。明號審令。疾擊而前。敵人必敗。

太公對曰。令我軍分爲三隊。隨而追之。勿過越其伏兵之處。三隊俱至。或擊敵之前後。或陷敵之兩旁。明吾之號。審吾之令。疾擊而前。敵人必敗矣。

絕道第三十九

絕道者。敵人絕我糧道。吾欲守之固。而無所失也。

武王問太公曰。引兵深入諸侯之地。與敵相守。敵人絕我糧道。又越我前後。吾欲戰。則不可勝。欲守。則不可久。爲之奈何。

武王問太公曰。若引兵深入諸侯之地。與敵人兩陣相守。敵人斷絕我糧道。又踰越我前後。吾欲與之戰。則不可勝。欲固守。則不可久。將爲之奈何。

太公曰。凡深入敵人之境。必察地之形勢。務求便利。依山險阻。水泉林木。而爲之固。謹守關梁。又知城邑丘墓。地形之利。如是。則我軍堅固。敵人不能絕我糧道。又

不能越我前後。

太公對曰。凡引兵深入敵人之境。必審察地之形勢。務求取便利之處。依倚山林險阻。水泉林木。而爲之堅固。謹守關塞橋梁。又要知城邑丘墓。地形之利。如此。則我軍堅固。敵人不能斷絕我之糧道。又不能絕越我之前後。

武王曰。吾三軍過大林廣澤平易之地。吾候望誤失。卒與敵人相薄。以戰則不勝。以守則不固。敵人翼我兩旁。越我前後。二軍大恐。爲之奈何。

武王問曰。吾三軍過大林廣澤。及平易之地。吾侯望
誤失。倉卒與敵人相迫。以之戰則不勝。以之守則不
固。敵人來翼我兩旁。越我前後。吾三軍大恐。則爲之
奈何。

太公曰。凡帥師之法。當先發遠候。去敵二百里。審知敵
人所在。地勢不利。則以武衝爲壘而前。又置兩踵軍於
後。遠者百里。近者五十里。卽有警急。前後相知。吾三軍
常完堅。必無毀傷。武王曰。善哉。

太公對曰。凡帥師之法。當先發遠候之人。離去敵人
二百里。審知敵人所在之處。若地勢不利。則以武衝
車相連。如壘而前行。又置兩踵軍於後。踵軍收後之
軍也。遠者相去百里。近者相去五十里。卽有警急之
事。前後皆得相知。吾三軍常完而且堅。必無有毀傷
者。武王曰。公言善哉。

畧地第四十

畧地者。戰勝深入。畧人之地也。恐敵有謀。故武
王以爲問。而太公答之也。

武王問太公曰。戰勝深入。畧其地。有大城不可下。其別

軍守險。與我相拒。我欲攻城圍邑。恐其別軍卒至而薄我。中外相合。擊我表裏。三軍大亂。上下恐駭。為之奈何。武王問太公曰。戰勝深入。畧其地。敵有大城不可下。其別軍固守險阻。與我相拒。我欲攻彼之城。圍彼之邑。恐其別軍卒至。而迫我。彼中外相合。擊我表裏。吾三軍大亂。上下恐懼驚駭。為之奈何。

太公曰。凡攻城圍邑。車騎必遠屯衛。警戒阻其外內。中人絕糧。外不得輸。城人恐怖。其將必降。新本一作內外一作城中太公對曰。凡攻人之城。圍人之邑。車騎必遠離城邑。

屯衛。警戒。隔阻其外內。使不得相通。中人斷絕糧食。在外不得輸送。城中之人。恐懼畏怖。其將必來降矣。武王曰。中人絕糧。外不得輸。陰為約誓。相與密謀。夜出窮寇。死戰。其車騎銳士。或衝我內。或擊我外。士卒迷惑。三軍敗亂。為之奈何。

武王問曰。中人斷絕糧食。在外者不得輸送。彼陰為期約信誓。相與秘密而謀。遇夜出窮寇。與我死戰。其車騎銳士。或衝我內。或擊我外。吾士卒迷失。疑惑。三軍敗亂而走。則為之奈何。

太公曰。如此者。當分爲三軍。謹視地形而處。審知敵人別軍所在。及其大城別堡。爲之置遺缺之道。以利其心。謹備勿失。敵人恐懼。不入山林。卽歸大邑。走其別軍。車騎遠要其前。勿令遺脫。

太公問曰。如此者。當分軍爲三。謹視地形之便利而處之。敵人別軍所在之處。恐出我不意。必先審知之。及其大城別堡。佯爲置空缺不守之道路。使得出走。是以便利誘其心。吾兵則謹備而勿失。敵人驚恐畏懼。不入於山林。卽歸大邑。旣走其別軍。令車騎遠

要其前勿令有遺脫者

中人以爲先出者。得其徑道。其練卒材士。必出其老弱。獨在。車騎深入長驅。敵人之軍。必莫敢至。慎勿與戰。絕其糧道。圍而守之。必久其日。至今作出

城中之人。以爲先出者。得其徑道而往。其練卒材士。必從中出。走其老弱者。獨在。吾車騎然後深入長驅。敵人之軍。必莫敢至。慎勿與之接戰。斷絕其糧道。環圍而守之。必能久其日矣。

無燔人積聚。無毀人官室。冢樹社叢。勿伐。降者勿殺。得

而勿戮。示之以仁義。施之以厚德。令其士民曰。罪在一
人。如此。則天下和服。武王曰善哉。罪一作辜
無燔燒人積聚之物。無毀壞人宮室冢上之樹。社中
之叢。勿得斬伐。來降者。勿令殺之。得士卒。勿伐戮之。
示之以仁義。施之以厚德。如文王伐崇侯。緩攻徐戩。
而示之以仁。慕容恪圍段龕築室及畊。而施之以德。
是也。令彼之士民曰。罪在一人。若能如此。則天下皆
和服矣。武王曰。公言善哉。

火戰第四十一

火戰者。彼以火攻我。吾因火而與之戰也。

武王問太公曰。引兵深入諸侯之地。遇深草翁穢。周吾
軍前後左右。三軍行數百里。人馬疲倦。休止。敵人因天
燥疾風之利。燔吾上風。車騎銳士。堅伏吾後。三軍恐怖。
散亂而走。爲之奈何。
武王問太公曰。若引兵深入諸侯之地。遇深草翁穢。
周匝吾軍前後左右。三軍已行數百里。人馬皆疲困。
勞倦。休息止舍。敵人因天時燥乾。有疾風之利。燔燒
吾上風。令車騎銳士。堅伏吾軍之後。吾三軍恐懼驚

怖。分散擾亂而走。將為之奈何。

太公曰。若此者。則以雲梯飛樓。遠望左右。謹察前後。見火起。即燔吾前而廣延之。又燔吾後。敵人苟至。即引軍而却。按黑地而堅處。敵人之來。猶在吾後。見火起。必遠走。吾按黑地而處。強弩材士。衛吾左右。又燔吾前後。若此。則敵人不能害我。

太公對曰。如此者。則以雲梯飛樓。升高遠望。左右兩旁。謹察吾軍前後。若見火起。即先燔吾前之草。而廣延之。又燔吾軍之後。以燒敵人。敵人苟至。即引軍而

卻退。吾兵按黑地之中。而堅處勿動。火不能侵。強弩材士。防衛吾左右。又燔吾前後以禦之。如此。則敵人不能害我矣。○愚謂深草蕪穢之地。必不得已而欲舍止。即先於營外。斬除二三丈之廣。使之靜潔。若敵人四下焚我。我於斬除靜地之外。亦以火焚之。彼火焚而入。我火焚而出。兩火相遇自滅。若不斬除近營草穢。吾先焚之。恐風勢猛烈。反走入我營矣。如單于縱火。焚李陵於大澤。陵先於營外放火。燒其葭葦。奪其火勢是也。



武王曰。敵人燔吾左右。又燔吾前後。烟覆吾軍。其大兵。按黑地而起。爲之奈何。太公曰。若此者。爲四武衝陣。強弩翼吾左右。其法無勝。亦無負。

武王問太公曰。敵人旣燔吾左右。又燔吾前後。烟覆吾軍之上。其大兵按黑地起而襲我。則爲之奈何。太公對曰。如此者。令吾軍爲四武衝陣以破之。以強弩翼蔽吾之左右。其法彼此無勝。亦無負。謂兩軍皆有備。故無勝無負也。

壘虛第四十二

壘虛者。敵人以虛壘疑我。我欲覘而知之也。

武王問太公曰。何以知敵壘之虛實。自來自去。

武王問太公曰。以何術得知敵人營壘之虛實。及其軍士之自來自去乎。

太公曰。將必上知天道。下知地理。中知人事。登高下望。以觀敵之變動。望其壘。則知其虛實。望其士卒。則知其來去。一作去來。

太公對曰。爲將者。必上知天道之順逆。下知地理之險易。中知人事之得失。登高阜以下望。若無高阜。平

地則以雲梯飛樓起望。以觀敵人之變動。望其營壘。則知其虛與實。望其士卒。則知其來與去。

武王曰。何以知之。太公曰。聽其鼓無音。鐸無聲。望其壘上。多飛鳥而不驚。上無氛氣。必知敵詐。而爲偶人也。

武王問太公曰。何以知其然歟。太公對曰。聽其鼓又無音。鐸又無聲。望其壘上。多飛鳥而不驚。去下無人跡。則營上無氛埃之氣。必知敵詐。而守壘者。皆木偶人也。如鄭人見幘上有鳥。而知楚兵之去。晉人見城上有鳥。而知齊師之遁。是也。此言覘知敵壘虛實之

方。

敵人卒去不遠。未定而復反者。彼用其士卒太疾也。太疾。則前後不相次。不相次。則行陣必亂。如此者。急出兵擊之。以少擊衆。則必敗矣。

敵人若倉卒而去。不遠。未定而復反者。彼用其士卒太疾速也。太疾。則前後不相次序。不相次序。則行陣必擾亂。如此者。急出兵擊之。以少卒擊彼之衆。則必敗矣。此言覘知敵人去來之意。

虎韜終

武王問太公曰。引兵深入諸侯之地。遇大林。與敵人分
 林相拒。吾欲以守則固。以戰則勝。為之奈何。
 武王問太公曰。若引兵深入諸侯之地。遇大林。與敵
 人分林而相拒。吾欲以守則堅固。以戰則取勝。將為
 之奈何。
 太公曰。夫戰者。以正合。以奇勝。故善戰者。因形而用
 權。因地而設機。因敵而制勝。因利而取利。此用兵之
 要也。夫用兵之法。審時度勢。然後用之。故曰。知戰地
 知戰日。知戰地則勝。知戰日則得。此用兵之要也。夫用
 兵之法。先審時。後審勢。然後用之。故曰。知戰地。知戰
 日。知戰地則勝。知戰日則得。此用兵之要也。夫用兵之
 法。先審時。後審勢。然後用之。故曰。知戰地。知戰日。知
 戰地則勝。知戰日則得。此用兵之要也。夫用兵之法。先
 審時。後審勢。然後用之。故曰。知戰地。知戰日。知戰地
 則勝。知戰日則得。此用兵之要也。夫用兵之法。先審時。

豹韜

豹從七日霧中變出。乃隱物也。此韜中多深入
 藏微。脫險之局。故取名焉。

林戰第四十三

林戰者。與敵相遇於林木之中。而與之戰也。

武王問太公曰。引兵深入諸侯之地。遇大林。與敵人分
 林相拒。吾欲以守則固。以戰則勝。為之奈何。

武王問太公曰。若引兵深入諸侯之地。遇大林。與敵
 人分林而相拒。吾欲以守則堅固。以戰則取勝。將為

之奈何。

太公曰。使吾三軍。分爲衝陳。便兵所處。弓弩爲表。戟楯爲裏。斬除草木。極廣吾道。以便戰所。高置旌旗。謹勅三軍。無使敵人知吾之情。是謂林戰。

太公對曰。使吾三軍。分爲四武衝陳。便于用兵之處。以弓弩爲之表。以戟楯爲之裏。斬除草木。極廣吾往來通行之道。以便戰鬪之所。高置吾旌旗。謹勅吾三軍。無使敵人知吾之情。此謂之林戰。弓弩以及遠。故居外。戟楯以衛身。故居內。

林戰之法。率吾矛戟。相與爲伍。林間木疎。以騎爲輔。戰車居前。見便則戰。不見便則止。

林戰之法。率吾持矛戟之士。相與爲伍。林間若樹木稀疎。則以騎兵爲輔。使戰車前行。見利便。則與之戰。不見利便。則且止而不戰也。

林多險阻。必置衝陳。以備前後。三軍疾戰。敵人雖衆。其將可走。更戰更息。各按其部。是謂林戰之紀。

林多險阻之處。必置四武衝陳。以防備其前後。三軍疾戰。敵人雖衆。其將可走矣。更迭而戰。更迭而息。各

按其部分而不亂也。此所謂林戰之紀。林中交戰。不可輕一決。不戰而示以戰。戰而更番休息。全以法紀勝。故曰林戰之紀。

突戰第四十四

突戰者。突出其兵而與之戰也。

武王問太公曰。敵人深入長驅。侵掠我地。驅我牛馬。其三軍大至。薄我城下。吾士卒大恐。人民係累。為敵所虜。吾欲以守則固。以戰則勝。為之奈何。

武王問太公曰。敵人若深入長驅。侵掠我土地。驅逐

我牛馬。三軍大至。迫我城邑之下。吾士卒大恐懼。人民皆係累。繫縛。為敵所驅虜。吾欲以之守則固。以之戰則勝。為之奈何。

太公曰。如此者。謂之突兵。其牛馬必不得食。士卒絕糧。暴擊而前。令我遠邑別軍。選其銳士。疾擊其後。審其期日。必會於晦。三軍疾戰。敵人雖眾。其將可虜。

太公對曰。如此者。謂之突兵。其掠去牛馬。必不得食。士卒斷絕糧食。必暴擊而前。令我遠邑別軍。選其精銳之士。疾擊其後。審察其期戰之日。必會於月晦之



武經直解 卷十二 豹韜 三十三
際令我三軍疾與之戰。敵人雖是衆多，其將可得而虜矣。

武王曰：敵人分爲三四，或戰而侵掠我地，或止而收我牛馬。其大軍未盡至，而使寇薄我城下，致吾三軍恐懼，爲之奈何？

武王曰：假若敵人分而爲三四，或以一軍戰而侵掠我土地，或以一軍止而收集我牛馬。其大軍未盡至，而別使小寇薄我城下，致吾三軍驚恐畏懼，則爲之奈何？

太公曰：謹候敵人未盡至，則設備以待之。去城四里而爲壘，金鼓旌旗皆列而張，別隊爲伏兵。令我壘上多積強弩，百步一突門，門有行馬。車騎居外，勇力銳士隱伏而處。

太公對曰：謹候敵人未盡至之時，則先設備以待之。去城四里，地上高築而爲屯壘，壘上金鼓旌旗皆布列而張設，使別隊另爲伏兵。令我壘上之兵多積聚強弩，百步爲一突門，門有行馬，以爲拒守。車騎居於營外，勇力銳士皆隱伏而處。

敵入若至。使我輕卒。合戰而佯走。令我城上立旌旗。擊
鞀鼓。完爲守備。敵人以我爲守城。必薄我城下。發吾伏
兵。以衝其內。或擊其外。三軍疾戰。或擊其前。或擊其後。
勇者不得鬪。輕者不及走。名曰突戰。敵人雖衆。其將必
走。武王曰善哉。

敵入若至。使我輕卒與彼合戰而佯走。令我城上立
旌旗。擊鞀鼓。完爲守禦之備。敵人以我爲守城。必來
迫我城下。然後發吾伏兵。以衝其內。或擊其外。城中
三軍亦出疾戰。或擊之於前。或擊之於後。彼勇者不

得與我鬪。輕者又不及走。此名曰突戰。敵人雖衆。其
將必走。何慮。深入哉。武王曰。公言善哉。

敵強第四十五

敵強者。遇敵兵之強。而出奇與之戰也。

武王問太公曰。引兵深入諸侯之地。與敵人衝軍相當。
敵衆我寡。敵強我弱。敵人夜來。或攻吾左。或攻吾右。三
軍震動。吾欲以戰則勝。以守則固。爲之柰何。

武王問太公曰。若引兵深入諸侯之地。與敵人衝軍
相當。敵衆而我寡。敵強而我弱。敵人遇夜而來。或攻

吾之左。或攻吾之右。三軍震動驚駭。吾欲用之戰則制勝。用之守則堅固。將爲之柰何。

太公曰。如此者。謂之震寇。利以出戰。不可以守。選吾材士。強弩車騎爲左右。疾擊其前。急攻其後。或擊其表。或擊其裏。其卒必亂。其將必駭。

太公對曰。如此者。謂之震驚之寇。吾以利出戰。不可以持守。選簡吾材士。強弩車騎爲左右翼。令疾擊其前。急攻其後。或擊其表。或擊其裏。其士卒必擾亂。其將帥必驚駭。

武王曰。敵人遠遮我前。急攻我後。斷我銳兵。絕我材士。吾內外不得相聞。三軍擾亂。皆敗而走。士卒無鬪志。將吏無守心。爲之柰何。

武王曰。假若敵人遠遮我之前。急攻我之後。斷我銳兵。使不得相救。絕我材士。使不得相合。使吾內外不得相聞。三軍擾亂。皆敗散而走。士卒無鬪之志。將吏無固守之心。則爲之柰何。

太公曰。明哉。王之問也。當明號審令。出我勇銳。目將之士。人操炬火。二人同鼓。必知敵人所在。或擊其表裏。微

號相知。令之滅火。鼓音皆止。中外相應。期約皆當。三軍疾戰。敵必敗亡。武王曰善哉。

太公對曰。明哉。王之所問也。如此者。當明吾之號。審吾之令。出我勇銳。冒將之士。使人人皆擲炬。炬束葦為把。而燒之也。二人同擊一鼓。所謂夜戰多火鼓也。必察知敵人所在之處。或擊其表裏。微號相知。遂令之滅火。鼓音亦止。如此。中外互相接應。期約皆當。使三軍疾戰。敵人必敗亡矣。武王曰。公言善哉。微暗也。

敵武第四十六

敵武者。敵人武勇。卒與相遇。欲設計而與之戰也。

武王問太公曰。引兵深入諸侯之地。卒遇敵人。甚衆且武。武車驍騎。繞我左右。吾三軍皆震。走不可止。為之奈何。

武王問太公曰。若引兵深入諸侯之地。卒然遭遇敵人。甚衆而且武。武車驍騎。繞我軍之左右。吾三軍皆震驚奔走。不可得而止。將為之奈何。

太公曰。如此者。謂之敗兵。善者以勝。不善者以亡。

太公對曰。如此者。謂之敗北之兵。善用兵者。以之而勝。不善用兵者。以之而亡。

武王曰。爲之柰何。太公曰。伏我材士強弩。武車驍騎。爲之左右。常去前後三里。敵人逐我。發我車騎。衝其左右。如此。則敵人擾亂。吾走者自止。常一作當

武王問曰。如此將爲之柰何。太公對曰。伏我材士強弩。武車驍騎。爲之左右翼。常去吾軍前後三里。敵人若來逐我。發我所伏之車騎。衝擊其左右。如此。則敵

人必擾亂。吾軍之走者自止耳。

武王曰。敵人與我車騎相當。敵衆我少。敵強我弱。其來整治精銳。吾陳不敢當。爲之柰何。少一作寡

武王問曰。若敵人與我車騎相當。敵兵衆。我兵少。敵兵強。我兵弱。敵人之來。整治精銳。吾三軍之陳。不敢相當。將爲之柰何。

太公曰。選我材士強弩。伏於左右。車騎堅陳而處。敵人過我。伏兵積弩。射其左右。車騎銳兵。疾擊其軍。或擊其前。或擊其後。敵人雖衆。其將必走。武王曰。善哉。

武經直解 卷十二 三十八
太公對曰。車騎與我相當。則車騎難以取勝。惟選簡
我材士強弩。隱伏於左右。車騎則堅陳而處。若敵人
過我。所伏之兵。使積弩射其左右。使車騎銳兵疾擊
其軍。或擊之於前。或擊之於後。敵人雖是衆多。其將
必走矣。武王曰。公言善哉。

烏雲山兵第四十七

烏雲山兵者。遇高山磐石。與敵相拒。必結爲烏
雲之陣。以取勝也。

武王問太公曰。引兵深入諸侯之地。遇高山磐石。其上
亭亭。無有草木。四面受敵。吾三軍恐懼。士卒迷惑。吾欲
以守則固。以戰則勝。爲之柰何。

武王問太公曰。若引兵深入諸侯之地。遇高山盤石。
其上亭亭。然而高聳。無有草木。障蔽依倚。四面受敵。
吾三軍驚恐。畏懼。士卒迷亂。疑惑。吾欲以之而守。則
堅固。以之而戰。則制勝。將爲之柰何。

太公曰。凡三軍處山之高。則爲敵所棲。處山之下。則爲
敵所囚。旣以被山而處。必爲烏雲之陣。烏雲之陣。陰陽
皆備。或屯其陰。或屯其陽。處山之陽。備山之陰。處山之

陰。備山之陽處。備山之右。處山之右。備山之左。敵所能陵者。兵備其表。衢道通谷。絕以武車。高置旌旗。謹勅三軍。無使敵人知吾之情。是謂山城。

太公對曰。此三軍若處山之高峻。則為敵人所棲。棲者。如棲集於危巢之上。而不得下也。處山之低下。則為敵人所囚。囚者。如囚繫於深獄之中。而不得出也。我軍既被敵所處。而棲于山。必結為烏雲之陳。烏雲之陣。如烏鳥聚散無常。陰陽皆備。或屯聚於陰。或屯聚於陽。若處山之陽。則防備山之陰。處山之陰。則防

備山之陽。山之南曰陽。山之北曰陰。處山之左。則防備山之右。處山之右。則防備山之左。山之東曰左。山之西曰右。敵人所能陵而上之者。以兵防備其外。衢道通谷。則以武衝車絕之。使不得上也。或曰。以武剛車絕之。有巾有蓋。謂之武剛車。如衛青征匈奴。度幕結陣。以武剛車自環為營是也。高置吾之旌旗。謹勅吾之三軍。無使敵人知吾之情。此謂之山城。處高山猶城郭也。

行列已定。士卒已陳。法令已行。奇正已設。各置衝陣於

山之表。使兵所處。乃分車騎爲烏雲之陣。三軍疾戰。敵人雖衆。其將可擒。

行列前後已定。士卒隊伍已陳。法令上下已行。奇正方畧已設。各置爲衝陳於山之表。使兵所處。乃分車騎。布爲烏雲之陣。三軍皆疾與戰。敵人雖是衆多。其將必可擒也。上言備敵之法。此言擊敵之法。

烏雲澤兵第四十八

烏雲澤兵者。遇斥鹵之地。與敵相拒。必結爲烏雲之陣。以取勝也。

武王問太公曰。引兵深入諸侯之地。與敵人臨水相拒。敵富而衆。我貧而寡。踰水擊之。則不能前。欲久其日。則糧食少。吾居斥鹵之地。四旁無邑。又無草木。三軍無所掠取。牛馬無所芻牧。爲之奈何。

武王問太公曰。若引兵深入諸侯之地。吾與敵人臨水相拒。敵人財物富足。而兵又衆多。我財物貧乏。而兵又寡少。欲踰水擊之。則力所不能。欲久其日。則糧食又少。斥鹵。鹹地也。草木不生。東方謂斥。西方謂鹵。吾軍居於此地。四旁皆無城邑。又無草木。依以爲固。

武經直解 卷十二 豹韜 四十一
三軍之用。無所掠取。牛馬之食。無所芻牧。將爲之柰何。芻牧。以草養牛馬也。
太公曰。三軍無備。牛馬無食。士卒無糧。如此者。索便詐敵。而亟去之。設伏兵於後。
太公對曰。三軍無備禦之具。牛馬無藁草之食。士卒無饋餉之糧。勢如此者。索取便利。以計詐誘敵人。而亟去之。更設伏兵於後。以防其襲我者。

武王曰。敵不可得。而詐。吾士卒迷惑。敵人越我前後。吾三軍敗而走。爲之柰何。太公曰。求途之道。金玉爲主。必

因敵使。精微爲寶。

主一作寶

武王問曰。敵不可得。以計而詭詐之。吾士卒迷失。疑惑。敵人又越我前後。吾三軍敗亂而走。將爲之柰何。太公對曰。求途走出之道。以金玉厚賂敵使爲主。必因敵使而知敵情。以至精詳微妙爲貴。不可被其誤也。
武王曰。敵人知我伏兵。大軍不肯濟。別將分隊以踰於水。吾三軍大恐。爲之柰何。

武王問曰。敵人知我伏兵所在。大軍相拒。不肯畢濟。

武經直解 卷十二 豹韜 四十三
令遣別將分隊以踰水擊我。吾三軍於是大恐。將爲
水之奈何。

太公曰。如此者。分爲衝陳。便兵所處。湏其畢出。發我伏
兵。疾擊其後。強弩兩旁射其左右。車騎分爲烏雲之陣。
備其前後。三軍疾戰。敵人見我戰合。其大軍必濟水而
來。發我伏兵。疾擊其後。車騎衝其左右。敵人雖衆。其將
可走。

太公對曰。如此者。令吾三軍分爲四武衝陳。便兵所
處。待其彼軍之畢出。然後發我隱伏之兵。疾擊其後。
又令強弩兩旁射其左右。車騎則分爲烏雲之陣。防
備其前後。使三軍皆爲之疾戰。敵人見我戰陣既合。
其大軍必濟水而來薄我。然後發我隱伏之兵。疾擊
其後。車騎衝其左右。敵人雖是衆多。其將可走矣。
凡用兵之大要。當敵臨戰。必置衝陳。便兵所處。然後以
車騎分爲烏雲之陣。此用兵之奇也。所謂烏雲者。烏散
而雲合。變化無窮者也。武王曰。善哉。

凡用兵之大要。當敵臨戰。必置衝陳。衝陣者。選武勇
精銳之士。結爲四陣。以衝擊其左右前後者也。便兵

所處之地。然後以車騎分而爲烏雲之陣。此二者皆用兵之奇也。所謂烏雲者。烏散而雲合。變化無窮。盡者也。武王曰。公言善哉。

少衆第四十九

少衆者。以吾兵之少。遇敵兵之多。欲設奇而取勝也。

武王問太公曰。吾欲以少擊衆。以弱擊強。爲之柰何。太公曰。以少擊衆者。必以日之暮。伏於溪草。要之隘路。以弱擊強者。必得大國之與。隣國之助。一作伏之。

武王問太公曰。吾欲以少擊敵之衆。以弱擊敵之強。將爲之柰何。太公對曰。以少擊敵衆之法。必以日之暮。晚。隱伏於溪草。要之於隘路。以弱擊敵強之法。必得大國之相與。隣國之助。援。以少擊衆。如孫臏日暮。伏兵馬陵。而破龐涓是也。以弱擊強。如班超。因烏孫之力。卒降西域。龜茲諸國是也。

武王曰。我無溪草。又無隘路。敵人已至。不適日暮。我無大國之與。又無隣國之助。爲之柰何。

武王問曰。我無溪草。可以隱伏。又無隘路。可以要擊。

敵人已至而薄我。不值日之昏暮。我無大國之相與。又無隣國之助援。將爲之奈何。此節爲以少擊衆。以弱擊強者設難也。

太公曰。妄張詐誘。以熒惑其將。迂其途。令過深草。遠其路。令會日暮。前行未渡水。後行未及舍。發我伏兵。疾擊其左右。車騎擾亂其前後。敵人雖衆。其將可走。事大國之君。下隣國之士。厚其幣。卑其辭。如此。則得大國之與。隣國之助矣。武王曰。善哉。途一作道

太公對曰。妄張詐誘之事。以熒惑其將帥。熒惑。火星之名。以其光熒可疑惑人也。雖無深草。誑令迂曲其途。令過深草之中。雖不值日暮。誑令之行乎遠路。使至日之昏暮。方會戰也。前行者未及渡水。後行者未及就舍。發我伏兵。疾擊其左右。令車騎擾亂其前後。敵人雖衆。其將可走矣。敬事大國之君。禮下隣國之士。重厚其幣帛。卑下其言辭。如此。則得大國之所與。隣國之助援矣。武王曰。公言善哉。

分險第五十

分險者。遇險阻之地。與敵人分守相拒也。

武王問太公曰。引兵深入諸侯之地。與敵人相遇於險阨之中。吾左山而右水。敵右山而左水。與我分險相拒。吾欲以守則固。以戰則勝。爲之柰何。

武王問太公曰。若引兵深入諸侯之地。與敵人相遇於險阻阨狹之中。吾軍所處者。左在山而右逼水。敵軍所處者。右在山而左逼水。與我分山險而相拒。此宜勝負未分也。吾欲以之守。則堅固。以之戰。則取勝。將爲之柰何。

太公曰。處山之左。急備山之右。處山之右。急備山之左。險有大水。無舟楫者。以天潢濟吾三軍。已濟者。亟廣吾道。以便戰所。以武衝爲前後。列其強弩。令行陣皆固。衢道谷口。以武衝絕之。高置旌旗。是謂軍城。

太公對曰。凡處山之左。急防備山之右。處山之右。急防備山之左。此處山險之法也。險有大水。無舟楫可渡者。則用天潢。鐵螳螂。環利通索。張飛江。名曰天潢。以濟吾三軍。已濟者。極廣吾通行之道。以便戰所。此處水險之法也。以武衝扶脊爲前後。列其強弩。令行陣皆堅固。衢道谷口。亦以武衝絕之。高置旌旗。此謂

軍中之城守。言其完堅也。凡險戰之法。以武衝為前。大櫓為衛。材士強弩翼吾左右。三千人為一屯。必置衝陣。便兵所處。左軍以左。右軍以右。中軍以中。並攻而前。已戰者還歸屯所。更戰更息。必勝乃已。武王曰善哉。

大凡險戰之法。以武衝扶胥為前。武翼大櫓為衛。用材士強弩翼蔽吾之左右。三千人為一屯。每屯必置四武衝陣。以備其兩旁。便兵所處之地。左軍以擊其左。右軍以擊其右。中軍以擊其中。三軍並攻而前。已與戰者還歸屯所。更迭而戰。更迭而息。必取勝乃止。武王曰。公言善哉。

豹韜終

武經直解

卷十二

豹韜

四十一

武經直解 卷十二

四十一

犬韜
犬以善馳走。識趨避。今此韜中。皆言奮擊馳走
之事。而亦善趨避。故取名焉。
分合第五十一
分合者。吾三軍散為數處。合欲聚為一陳。并力
而合戰也。
武王問太公曰。王者帥師。三軍分為數處。將欲期會合
戰。約誓賞罰。為之柰何。
武王問太公曰。王者帥師而出。三軍分為數處。為將

犬韜

犬以善馳走。識趨避。今此韜中。皆言奮擊馳走
之事。而亦善趨避。故取名焉。

分合第五十一

分合者。吾三軍散為數處。合欲聚為一陳。并力
而合戰也。

武王問太公曰。王者帥師。三軍分為數處。將欲期會合
戰。約誓賞罰。為之柰何。

武王問太公曰。王者帥師而出。三軍分為數處。為將

者。欲期會與人合戰。約誓賞罰。將爲之奈何。
太公曰。凡用兵之法。三軍之衆。必有分合之變。其大將
先定戰地戰日。然後移檄書。與諸將吏期。攻城圍邑。各
會其所。明告戰日。漏刻有時。大將設營而陳。立表轅門。
清道而待。諸將吏至者。校其先後。先期至者賞。後期至
者斬。如此。則遠近奔集。三軍俱至。并力合戰。

太公對曰。大凡用兵之法。三軍之衆。必有分合。變
化不常。其大將先定會戰之地。與會戰之日。然後行
移檄書。與諸將吏期約。攻人之城。圍人之邑。各會聚
於相約之處。明告將吏以會戰之日。漏刻亦有時。然
後大將設營布陣。立表柱於轅門。清道而待之。轅門
軍止宿之處。諸將吏至者。校量其先後。先期至者賞
之後期至者斬之。如此。則遠近皆來會集。三軍俱應
期而至。與吾併力而合戰矣。後期則坐法。如田穰苴
與莊賈期。而賈後至。斬之是也。

武鋒第五十二

武鋒者。選吾武勇鋒銳之士。伺其便。則出而破
敵也。

武王問太公曰。凡用兵之要。必有武車。驍騎。馳陣。選鋒。見可則擊之。如何而可擊。

武王問太公曰。凡用兵之要法。必有武車。驍騎。馳陣。選鋒。精銳之士。見敵有可乘之隙。則擊之。敵勢如何而可擊也。

太公曰。夫欲擊者。當審察敵人十四變。變見則擊之。敵人必敗。

太公對曰。夫欲擊敵者。當審察敵人一十四變。變動之形。既見。則出吾武銳之士。擊之。敵人必敗矣。

武王曰。十四變。可得聞乎。

武王曰。敵人十四變。亦可得而聞乎。

太公曰。敵人新集。可擊。人馬未食。可擊。天時不順。可擊。地形未得。可擊。奔走。可擊。不戒。可擊。疲勞。可擊。將離士卒。可擊。涉長路。可擊。濟水。可擊。不暇。可擊。阻難狹路。可擊。亂行。可擊。心怖。可擊。

太公對曰。敵人所會集之處。乘其行列未定。則可擊之。人馬饑餓。未曾飲食。則可擊之。天時不順。如隆冬。士卒寒凍。盛夏。士卒疾疫。逆大風。甚雨之利。遇旱暵。

武經直解 卷一 三
霜雹之災。皆可擊之。地形未得。如困於險阻。陷於泥
濘。車騎不得平地。步卒不依山阪。皆可擊之。士卒奔
走。則氣不屬。故可擊之。三軍不戒。心必怠惰。故可擊
之。士卒疲勞。則力不全。故可擊之。將離士卒。則令不
一。故可擊之。涉長路。前後不接。故可擊之。濟水必有
半渡。半出。則首尾不應。故可擊之。士卒不閒暇。必亂
而不整。故可擊之。阻難狹路。力必不齊。故可擊之。亂
行。將無節制也。故可擊之。心怖。軍奪氣也。故可擊之。
以上十四變。皆就敵言。吳子論敵。必可擊之道。與此

大同小異。恐出於是。

練士第五十三

練士者。簡練材勇之士。各以類聚。非操練也。

武王問太公曰。練士之道奈何。太公曰。軍中有大勇力。
敢死樂傷者。聚爲一卒。名曰冒刃之士。

武王問太公曰。簡練士衆之道奈何。太公對曰。凡軍
中有大勇力。果敢於死。喜樂其傷者。聚而爲一卒。百
人爲卒。名之曰冒刃之士。冒刃者。冒敵之刃而不畏
也。

有銳氣壯勇強暴者。聚一爲卒。名曰陷陣之士。

有精銳之氣。年壯而力勇。強而且暴者。聚爲一卒。名之曰陷陳之士。陷陳者。陷敵之陣而不懼也。

有奇表。長劍。接武齊列者。聚爲一卒。名曰勇銳之士。

有姿表奇絕出衆。好用長劍。足跡相接而行列相齊者。聚爲一卒。名之曰勇銳之士。勇銳直前不怯懦也。有披距伸鉤。強梁多力。潰破金鼓。絕滅旌旗者。聚爲一卒。名曰勇力之士。

披距。卽超距。謂披開足距。善跳躍也。昔甘延壽投石超距。絕於等倫。王剪士卒。投石超距。卽此義也。或曰披字。乃投字之誤也。伸鉤。能伸鐵鈎也。以其強梁勇猛而多力。故能潰破敵之金鼓。絕滅敵之旌旗。聚爲一卒。名曰勇力之士。

有踰高絕遠。輕足善走者。聚爲一卒。名曰寇兵之士。

有能踰高城。絕遠道。輕足善走者。聚爲一卒。名曰寇兵之士。寇暴疾也。言能寇暴敵兵也。

有王臣失勢。欲復見功者。聚爲一卒。名曰死關之士。

有先爲王臣。因事失勢。欲復見功於上者。聚而爲一

卒。名曰死鬪之士。死鬪者。恨其失勢。欲死鬪立功也。
有死將之人子弟。欲爲其將報仇者。聚爲一卒。名曰死
憤之士。

有將帥死於戰鬪之間。其子弟欲與其將報仇者。聚
而爲一卒。名曰死憤之士。死憤者。恨其父兄之死。而
懷憤怒者也。

有貧窮忿怒。欲快其志者。聚爲一卒。名曰必死之士。
有受貧窮。心懷忿怒。欲快其志者。聚而爲一卒。名曰
必死之士。必死者。期於必死。而不欲生也。

有贅壻人虜。欲掩迹揚名者。聚爲一卒。名曰勵鈍之士。
有出贅爲壻。或被人所虜。欲掩其贅壻之迹。揚美好
之名者。聚而爲一卒。名曰勵鈍之士。勵鈍者。言能激
勵鈍氣而爲銳兵也。

有胥靡免罪之人。欲逃其耻者。聚爲一卒。名曰幸用之
士。
胥靡者。刑徒之人。聯繫相隨服役也。免刑。荆之罪。爲
胥靡。欲逃其耻辱者。聚爲一卒。名曰幸用之士。言幸
於得用。而求免其耻辱也。

有材技兼人。能負重致遠者。聚爲一卒。名曰待命之士。
有材能技藝兼人。又能負任重物而致遠者。聚而爲
一卒。名曰待命之士。言其待上之命。而樂爲効用也。
此軍之練士。不可不察也。

此十一者。乃軍之練士。不可不審察而善用之也。於
士之中。分別人品。毋混爲一。則人人自奮矣。吳子論
軍之練銳。只以五者言之。恐出於此。

教戰第五十四

教戰者。教之坐作進退。分合解結之法也。

武王問太公曰。合三軍之衆。欲令士卒服習教戰之道。
柰何。

武王問太公曰。會合三軍之衆。欲令士卒皆服習教
戰之道。將如之何。

太公曰。凡領三軍。必有金鼓之節。所以整齊士衆者也。
將必先明告吏士。申之以三令。以教操兵起居。旌旗指
麾之變法。

太公對曰。凡統領三軍。必有金鼓之節。金以止之。鼓
以進之。所以整齊士衆而教之戰者也。將帥教戰。必

先明告吏士。卽百長伍長也。申之以三令。三令者。三
 次號令之。又令有先後。謂令甲令乙令丙。亦三令也。
 以教訓操兵起居。旌旗指麾之變法。操兵。謂操習兵
 器起居。卽坐作進退分合解結也。旌旗指麾。卽抵旗
 則趨。颺旗則戰。麾左而左。麾右而右也。

故教吏士。使一人學戰。教成。合之十人。十人學戰。教成。
 合之百人。百人學戰。教成。合之千人。千人學戰。教成。合
 之萬人。萬人學戰。教成。合之三軍之衆。大戰之法。教成。
 合之百萬之衆。故能成其大兵。立威於天下。武王曰。善

哉。

故教吏士之法。使一人先學戰。教既成。合之十人。使
 十人學戰。教既成。合之百人。使百人學戰。教既成。合
 之千人。使千人學戰。教既成。合之萬人。使萬人學戰。
 教既成。合之三軍之衆。三軍之衆。三萬七千五百人
 也。大戰之法。三軍教成。合之百萬之衆。而總閱之。故
 能成其大兵。立威於天。武王曰。公言善哉。與吳起
 李靖教戰之法。亦大同小異也。

均兵第五十五

均兵者。車騎步三者。視地之險易相參。而使其
勢力均也。

武王問太公曰。以車與步卒戰。一車當幾步卒。幾步卒
當一車。以騎與步卒戰。一騎當幾步卒。幾步卒當一騎
以車與騎戰。一車當幾騎。幾騎當一車。
武王問太公曰。以車與敵之步卒戰。一乘車可當幾
步卒。幾步卒可以當一車。以騎兵與步卒戰。一騎兵
可當幾步卒。幾步卒可以當一騎。以車與騎戰。一乘
車可當幾騎。幾騎兵可以當一車。

太公曰。車者。軍之羽翼也。所以陷堅陳。要强敵。遮走北
也。騎者。軍之伺候也。所以踵敗軍。絕糧道。擊便寇也。

太公對曰。車者。三軍之羽翼也。羽翼者。如鳥有羽翼
憑之而奮飛也。故車所以能陷人之堅陳。要强寇之強
敵。遮彼之走北也。騎者。三軍之伺候也。伺候者。待敵
人有隙。則出而乘之也。故騎所以能踵人之敗軍。絕
彼之糧道。擊敵之便寇也。前過曰遮。後逐曰踵。

故車騎不敵戰。則一騎不能當步卒一人。三軍之衆。成
陳而相當。則易戰之法。一車當步卒八十人。八十人當

一車。一騎當步卒八人。八人當一騎。一車當十騎。十騎當一車。

故車騎不相敵。而與人戰。則一騎不能當步卒一人。使三軍之衆。成陣而相當。則平易之地。便於馳逐。戰陣之常法。一車可當步卒八十人。八十人可當一車。一騎可當步卒八人。八人可當一騎。一車可當十騎。十騎可當一車。

險戰之法。一車當步卒四十人。四十人當一車。一騎當步卒四人。四人當一騎。一車當六騎。六騎當一車。

險阻之地。便於步走。戰陣之常法。一車可當步卒四十人。四十人可當一車。一騎可當步卒四人。四人可當一騎。一車可當六騎。六騎可當一車。蓋車騎利平地。故當步兵多。步兵利險阻。故當車騎多。

夫車騎者。軍之武兵也。十乘敗千人。百乘敗萬人。十騎走百人。百騎走千人。此其大數也。

夫車騎者。乃軍之武兵也。車十乘。可敗步卒千人。車百乘。可敗步卒萬人。騎十疋。可走步卒百人。騎百疋。可走步卒千人。此用車騎之大數也。此亦以平易之

地言之。故車騎能敗走步卒之多也。

武王曰。車騎之吏數。陣法。柰何。太公曰。置車之吏數。五車一長。十車一吏。五十車一率。百車一將。易戰之法。五車爲列。相去四十步。左右十步。隊間六十步。險戰之法。車必循道。十車爲聚。二十車爲屯。前後相去二十步。左右六步。隊間三十六步。五車一長。縱橫相去一里。各返故道。

武王問曰。車騎之吏數。與陳法。柰何。太公對曰。置車之吏數。五車設一長。十車置一吏。五十車立一率。百車命一將。此主車之吏數也。其易地戰陣之法。五車爲一列。前後相去四十步之遠。左右相去十步。隊間用六十步。險地戰陣之法。車必要循行道路。十車爲一聚。二十車爲一屯。前後相去二十步。左右相去六步。隊間用三十六步。五車一長。縱橫相去一里之遠。各返歸故道。此車之陳法也。

置騎之吏數。五騎一長。十騎一吏。百騎一率。二百騎一將。易戰之法。五騎爲列。前後相去二十步。左右四步。隊間五十步。險戰者。前後相去十步。左右二步。隊間二十

五步。三十騎爲一屯。六十騎爲一輩。十騎一吏。縱橫相去百步。周還各復故處。武王曰善哉。

置騎之吏數。五騎設一長。十騎置一吏。百騎立一率。二百騎命一將。此主騎之吏數也。其易地戰陣之法。五騎爲一列。前後相去二十步之遠。左右相去四步。隊間用五十步。險地戰陣之法。前後相去十步。左右相去二步。隊間用二十五步。三十騎爲一屯。六十騎爲一輩。十騎設一吏。縱橫相去百步。周還各復歸故處。此騎之陳法也。武王曰。公言善哉。

武車士第五十六

武車士。可選擇材技之人。用車以戰。謂之武車士。

武王問太公曰。選車士柰何。太公曰。選車士之法。取年四十以下。長七尺五寸以上。走能逐奔馬。及馳而乘之。前後左右。上下周旋。能束縛旌旗。力能殼八石弩。射前後左右。皆便習者。名曰武車之士。不可不厚也。

武王問太公曰。選簡車士之法柰何。太公對曰。選簡車士之法。取其年方四十以下。身長七尺五寸以上。

走能追逐奔馬。及馳而乘之。馬之或前或後。或左或右。上下週迴旋轉。不失便利。又能束縛旌旗。方能引滿八石弩。八石。八百斤也。射前後左右。皆便利習熟者。如楚樂伯與晉戰。左射馬。右射人。使角不能進。此是射前後左右便習者。名曰車中武勇之士。不可不厚待之也。

武騎士第五十七

武騎士者。選擇材技之人。乘騎以戰。謂之武騎

武王問太公曰。選騎士奈何。太公曰。選騎士之法。取年四十以下。長七尺五寸以上。壯健捷疾。超絕倫等。能馳騎。發射。前後左右。周旋進退。越溝塹。登丘陵。冒險阻。絕大澤。馳強敵。亂大眾者。名曰武騎士。不可不厚也。

武王問太公曰。選簡騎士之法。奈何。太公對曰。選簡騎士之法。取年方四十以下。身長七尺五寸以上。力氣壯健。行步捷疾。超過等輩。能馳騎。發射。或前或後。或左或右。周迴旋轉。以進以退。越溝塹之深。登丘陵之高。冒險阻之艱。絕大澤之水。馳強勇之敵。亂盛大

之衆。而不爲所傷者。名曰騎兵中武勇之士。不可不厚待之也。

戰車第五十八

戰車者。以車與敵戰。務知其地形之便不便也。武王問太公曰。戰車柰何。太公曰。步貴知變動。車貴知地形。騎貴知別徑奇道。三軍同名而異用也。凡車之戰。死地有十。其勝地有八。新本死地上無戰字。

武王問太公曰。以車與敵戰柰何。太公對曰。用步貴知敵之變動。用車貴知地之形勢。用騎貴知山林之

別徑奇道。三軍同其名而異其用也。凡車戰。死地有十。其勝地有八。

武王曰。十死之地柰何。太公曰。往而無以還者。車之死地也。

武王問曰。戰車十死之地柰何。太公對曰。前往而無以還返者。乃車之死地也。死地則無進。

越絕險阻。乘敵遠行者。車之竭地也。

越絕險阻之處。以隨敵人之遠行者。乃車之竭地也。竭地而無餘力。則勿追。

前易後險者。車之困地也。

前面平易。後面險隘者。乃車之困地也。困地而不能

往來。則無出。

陷之險阻而難出者。車之絕地也。

陷於險阻之處。難得而出者。乃車之絕地也。絕地則

無戰。

圯下漸澤。黑土黏埴者。車之勞地也。

圯壞卑下。漸洳澤鹵之處。地有黑色之土。黏埴車馬

者。車行至此。必然勞頓。乃車之勞地也。勞地則無越

左險右易。上陵仰阪者。車之逆地也。

左拒險阻。右澤平易。上越丘陵。仰向山阪者。車行於

此。逆而不順。乃車之逆地也。逆地則無攻。

殷草橫畝。犯歷浚澤者。車之拂地也。浚一作淡

殷盛之草。橫連田畝。犯歷浚浚之水澤者。車之拂地

也。拂地則無留。犯。陷也。歷。過也。

車少地易。與步不敵者。車之敗地也。

車乘寡少。地勢平易。與步兵不能相敵者。乃車之敗

地也。敗地則無止。

後有溝瀆。左有淡水。右有峻阪者。車之壞地也。

後有溝瀆而不能退。左有淡水。右有峻阪而不能馳。

車者。乃車之壞地也。壞地則無前。

日夜霖雨。旬日不止。道路潰陷。前不能進。後不能解者。

車之陷地也。此十者。車之死地也。故拙將之所以見擒。

明將之所以能避也。

日夜有霖雨。旬日不止。息。道路皆潰陷。吾欲前不能

進。後不能解脫者。此車之陷地也。陷地則謀出。已上

十者。皆車之死地也。故無謀之將。所以見擒於人。明

智之將。所以能避去也。

武王曰。八勝之地奈何。太公曰。敵之前後。行陣未定。即

陷之。旌旗擾亂。人馬數動。即陷之。士卒或前或後。或左

或右。即陷之。陣不堅固。士卒前後相顧。即陷之。前往而

疑。後往而怯。即陷之。三軍卒驚。皆薄而起。即陷之。戰於

易地。暮不能解。即陷之。遠行而暮舍。三軍恐懼。即陷之。

此八者。車之勝地也。

武王問曰。戰車八勝之地奈何。太公對曰。敵之前後

行伍陣勢未定。即馳而陷之。敵之旌旗擾亂。人馬頻

數驚動。卽馳而陷之。敵之士卒。或前或後。或左或右。而無定止。卽馳而陷之。敵人行陣不堅固。士卒前後相顧望。卽馳而陷之。敵人欲前往而疑惑。後往而恐怯。卽馳而陷之。敵人三軍倉卒驚擾。皆迫而起。卽馳而陷之。與敵人戰於平易之地。日已昏暮。不能解脫。卽馳而陷之。遠行於路。日暮方止。三軍又驚恐畏懼。卽馳而陷之。此八者。皆車之勝地也。將明於十害八勝。敵雖圍周千乘萬騎。前驅旁馳。萬戰必勝。武王曰善哉。

爲將者。明於此十害八勝。敵人雖圍繞周匝於我。車千乘。騎萬疋。吾驅之而前。馳之於兩旁。萬戰必萬勝矣。武王曰。公言善哉。

戰騎第五十九

戰騎者。以騎與敵戰。而欲取勝也。

武王問太公曰。戰騎柰何。太公曰。騎有十勝九敗。

武王問太公曰。以騎與敵戰。柰何。太公對曰。用騎兵取勝之術。有十勝。地有九敗。

武王曰。十勝柰何。太公曰。敵人始至。行陳未定。前後不

屬陷其前騎擊其左右敵人必走。

武王問曰。騎之十勝奈何。太公對曰。敵人初至。行列陣勢未定。前後不相聯屬。吾即陷其前騎。或擊其左右。敵人必走矣。

敵人行陣。整齊堅固。士卒欲鬪。吾騎翼而勿去。或馳而往。或馳而來。其疾如風。其暴如雷。白晝如昏。數更旌旗。變易衣服。其軍可克。

敵人行列陣勢。整齊堅固。士卒欲與我鬪。令吾騎兵翼其左右而勿去。或馳之而往。或馳之而來。其勢如

風之迅疾。如雷之暴猛。騎走而塵起。使白晝如昏。暗數更換吾之旌旗。變易吾之衣服。使敵不能測。其軍必可克矣。

敵人行陣不固。士卒不鬪。薄其前後。獵其左右。翼而擊之。敵人必懼。

敵人行陣不堅固。士卒不敢鬪。使吾之騎。乃薄其前後。獵其左右。翼兩旁而疾擊之。敵人必懼矣。

敵人暮欲歸舍。三軍恐駭。翼其兩旁。疾擊其後。薄其壘口。無使得入。敵人必敗。

敵入值天暮欲歸舍次。三軍恐懼驚駭。吾乃使吾之
騎翼其兩旁。疾擊其後。迫其壘口。無使得入其屯營。
敵入必敗矣。

敵入無險阻保固。深入長驅。絕其糧道。敵人必饑。
敵人之來。若無險阻保固。吾當深入長驅。斷絕其糧
道。敵人必饑矣。

地平易。四面見敵。車騎陷之。敵人必亂。一作必敗
敵人所處之地。平而且易。四面見敵於人。吾以車騎
陷之。敵人必亂矣。

敵人奔走。士卒散亂。或翼其兩旁。或掩其前後。其將可
擒。

敵入士卒奔走散亂。吾騎乘勝。或翼擊其兩旁。或掩
襲其前後。其將可擒矣。

敵人暮返。其兵甚眾。其行陣必亂。令我騎十而為隊。百
而為屯。車五而為聚。十而為羣。多設旌旗。雜以強弩。或
擊其兩旁。或絕其前後。敵將可虜。此騎之十勝也。新本
騎字

下有
士字
敵人日暮而返。其兵士甚眾。其行伍陣勢必亂。令我

騎兵十而為一隊。百而為一屯。車五而為一聚。十而為一羣。多設置旌旗。錯雜以強弩。或翼擊其兩旁。或斷絕其前後。敵將可虜矣。此已上。乃騎之十勝也。○按十勝而止。有八。恐脫簡耳。

武王曰。九敗柰何。太公曰。凡以騎陷敵而不能破陳。敵人佯走。以車騎返擊我後。此騎之敗地也。

武王問曰。騎之九敗柰何。太公對曰。凡以騎兵陷敵而不能破散其陣。敵人佯敗而走。以車騎返邀擊我後。騎必敗北。此騎兵之敗地也。

追北踰險。長驅不止。敵人伏我兩旁。又絕我後。此騎之圍地也。

吾追敵人之奔北。踰越險阻。長驅不止。敵人伏我兩旁。又斷絕我後。此乃騎兵受圍之地也。

往而無以返。入而無以出。是謂陷於天井。頓於地穴。此騎之死地也。

往而無以還返。入而無從以出。是謂陷於天井之內。困於地穴之中。此乃騎兵之死地也。

所從入者隘。所從出者遠。彼弱可以擊我強。彼寡可以

擊我衆。此騎之沒地也。

所從入者狹隘。所從出者迂遠。彼弱可以擊我之強。彼寡可以擊我之衆。騎爲所陷。此乃騎兵之沒地也。大澗深谷。翳茂林木。此騎之竭地也。

凡遇大澗深谷。及林木翳茂之處。騎無所往。此乃騎之竭地也。

左右有水。前有大阜。後有高山。三軍戰於兩水之間。敵居表裏。此騎之艱地也。

左右有深水。前面有大阜。後又有高山。吾三軍戰於兩水之間。敵人居於表裏。騎勢艱難。此乃騎兵之艱地也。

敵人絕我糧道。往而無以還。此騎之困地也。

敵人斷絕我糧道。有往擊之路。而無還返之道。騎必受挫。此乃騎兵之困地也。

汗下沮澤。進退漸洳。此騎之患地也。

汗下沮澤之中。進退泥濘漸洳。騎往來不利。此乃騎兵之患地也。

左有深溝。右有坑阜。高下如平地。進退誘敵。此騎之陷

武經直解 卷十二
地也。此九者。騎之死地也。明將之所以遠避。闇將之所
以陷敗也。

左有深浚之溝。右有坑阜之險。不知險阻。高履下視。
只如平地。進退則誘敵之來。騎必遭害。此乃騎兵之
陷地也。此已上九者。皆騎之敗地也。明智之將。所以
能遠避。昏闇之將。所以必陷敗也。○愚按車騎之敗
皆以地言者。謂吾自陷於地形之未便。而致敗。非人
敗之也。吾能審而避之。則豈能敗之哉。車騎之勝。皆
以敵言者。謂敵有可乘之形。卽馳而勝之也。敵若無

可乘之形。則豈能勝之哉。故敗者自敗也。非人敗之。
一勝者非自勝也。因人之形而取勝也。孫子曰。兵因敵
而制勝。其此之謂歟。

戰步第六十

戰步者。以步兵與車騎戰。而欲取勝也。

武王問太公曰。步兵與車騎戰。奈何。太公曰。步兵與車
騎戰者。必依丘陵險阻。長兵強弩居前。短兵弱弩居後。
更發更止。敵之車騎。雖衆而至。堅陣疾戰。材士強弩。以
備我後。

武王問太公曰。步兵與車騎戰。爲之奈何。太公對曰。步兵若與車騎戰。必依丘陵險阻之地。以長兵強弩居前。以短兵弱弩居後。更迭而發。更迭而止。方能抵敵。然敵人車騎雖衆而至。吾堅陣疾戰。以材士強弩防備我後。遇此戰地。力亦能支也。此言步兵與車騎交戰之法也。


武王曰。吾無丘陵。又無險阻。敵人之至。旣衆且武。車騎翼我兩旁。獵我前後。吾三軍恐怖。亂敗而走。爲之奈何。武王問曰。吾無丘陵險阻。而依之。敵人之至。旣衆且

多武勇。以車騎翼擊我兩旁。獵取我前後。吾三軍皆恐懼。皆亂敗而走。則爲之奈何。

太公曰。令我士卒。爲行馬。木蒺藜。置牛馬隊伍。爲四武衝陣。望敵車騎將來。均置蒺藜。掘地匝後。廣深五尺。名曰命籠。人操行馬。進步闌車。以爲壘。推而前後。立而爲屯。材士強弩。備我左右。然後令我三軍。皆疾戰而不解。武王曰。善哉。

太公對曰。令我士卒。爲行馬。木蒺藜。以止行人。置牛馬聯絡。爲隊伍。所以補行陣之空缺者。如爾朱兆圍

齊神武於高陵山神武連繫牛驢為隊而塞其闕之類是也。又令銳士結為四武衝陣。望敵車騎將來均置蒺藜。掘地周匝。廣濶各五尺。名曰命籠。三軍之命所係也。令人操行馬進步。闌車以為壘。推而前。推而後。立之以為屯。材士強弩。備禦左右。然後令我三軍皆與之疾戰。而必得解免。武王曰。公言善哉。



虎韜豹韜犬韜卷之十二終

